



30. Aprili 2026

UPA2026/102

**Kalaallit Nunaanni imartap killeqarfiata 3 sòmil-iniit 12 sòmil-imut annertusineqarsinnaaneraniq periarfissat misissorneqarnissaanik kiisalu tamatuma inatsisitigut, aningaasaqarnikkut inuussutissarsiornikkullu kingunerisassai pillugit nassuiaateqarnissaanik Naalackersuisut peqquneqarnissaanik Inatsisartut aalajangiiffigisassaattut siunnersuut. Misissuineq Inatsisartut UPA2028-mut saqqummiunneqassapput.**

(Inatsisartuni ilaasortaq Jens NapätôK', Naleraq)

Siumumi Kalaallit Nunaata pisuussutai annertunerusumik innuttaasunut iluaqutaasariaqartut isumaqataavugut. Tamanna aamma imartanut qanittunut atuuppoq, tassanimi ilaqtariit inuiaqatigiillu amerlasuut ulluinnarni inuuniarnerminnut tunngaveqarput.

Siunnersuut imartap killeqarfiata 3 sòmilinit 12 sòmilinit annertusarneqarnissaa pillugu misissuinissamik eqqartuivoq, taamaattumik oqallinnermut pingaarutilimmut naleqquttumillu tunngaviliivoq. Nunarsuarmi tamarmi 12 sòmil nalinginnaasumik akuersarneqarnikuuvoq, aammalu pissusissamisoorpoq Kalaallit Nunaata ingerlaavartumik nalilersortassagaa qanoq pitsaanerpaamik soqutigisani illersorneqarsinnaanersut nunanut allanut maleruagassat suleqatigiinnerillu naapertorlugit.

Siumumili isumaqarpugut apeqquut tamanna isumatusaarluni akisussaassuseqarlunilu suliarineqartariaqartoq. Imartap killeqarfiata annertusarneqarnissaa pisinnaatitaaffiit pillugit apeqquut kisiartaanngilaq – aammali pisussaaffiit pillugit apeqquutaavoq. Imartap killeqarfiata anginerulernera nakkutilliinnermut, aqutsinnermut atuutsitsinnermullu annertunerusumik piginnaasaqartariaqartitsivoq. Tamanna aningaasaliinernik, piginnaasanik ineriartortitsinnermik aammalu oqartussaasut attuumassutillit akornanni qanittumik suleqatigiinnermik imaqarpoq.

Taassuma saniatigut Siumumiit maluginiarsimavarput Naalackersuisut allannguutissatut siunnersuutaat piffissalernerqarsimanngitsoq, tamannalu ataatsimiitaliami ilanngullugu sukumiisumik sammineqarnissaa kissaatigaarput. Taassuma saniatigut siornatigut paasisat aallaavigalugit imartap killeqarfiata annertusineqarnera aalisarsinnaanermut annertusaanerussanngitsoq Siumumiit paasisimavarput, ilisimaaralugulu maanna kilisaatit arlallit kangerlunni qalorsuorsorlutik aalisartalersimanerat aammalu sinerissap qanittuani marlorsorlutik raajarniartartut arlaqalersimasut, tamannalu pissusissamisuunngilluinnartutut isigaarput Naalackersuisunullu sakkortuumik kaammattuutigissavarput piaartumik nalunaarutitigut angallatit angissusaat aallaavigalugu aalisarsinnaasut avammut alliertortillugit malitassiuunneqassasut.

Immap pisuussutaasa aqunneqarneranni patajaassuseq tatiginassuserlu pingaaruteqarluinnarput – inuussutissarsiutinut aammalu Kalaallit Nunaata nunarsuarmi inissisimaneranut.

Taamaattumik qulaani innersuussutigisagut tunngavilersuutigalugit Siumup Naalackersuisut 12 sòmilinit annertusaanissamut periarfissanik sukumiisumik misissueqqaartariaqariaqarnerat ilalerpaa.



Misissuineq taanna inatsilerinikkut sinaakkutinik kisimi nassuiaassanngilaq, aammali aningaasaqarnikkut, allaffissornikkut aammalu isumannaallisaanermut tunngasut kingunerisassai ilanngullugit.

Uagutsinnut pingaaruteqarpoq aalajangiinerit paasissutissanik tunngaveqarlutik aalajangerneqartarnissaat, aammalu piujuartitsisumik ineriartortitsinermut tapertaassasut, tassani namminersornermik nukittorsarluta aammalu akisussaaffimmik tigusilluta – nuna tamakkerlugu aammalu nunanut allanut.

Kalaallit Nunaata siunissaa pisinnaatitaaffiit akisussaaffiillu tunngavigalugit sanaartorneqassaaq. Taanna tassaavoq aqqut Siumup ingerlataa.

Taamatut oqaaseqarluta immikkoortup uumap aalisarnermut piniarnermullu ataatsimiititaliamut ingerlateqqinneqarnissaa innersuussutigaarput, pisariaqarpallu ataatsimiititaliat allat suleqatigalugit suliaq sukumiisumik ingerlanneqassasoq innersuussutigalugu.

Qujanaq

Lars Poulsen, Siumut